

मार्निंग डोगरी न्यूज़ बुलेटिन, समें. 09.20 Hrs

<><><><><><>

Headlines

- प्रधानमंत्री नरेन्द्र मोदी होर 10 अगस्त गी वर्चुअल ढंगै राएं श्री माता वैष्णो देवी कटड़ा- अमृतसर वंदे भारत रेल दी शुरुआत करोआंगन।
- मुखमंत्री उमर अब्दुल्ला होरें आक्खेया जे सैलसफा दे विस्तार कन्नै रोजगार दे मौके पैदा होगंन, खास करि गुरेज दे युवाएं लेई। जम्मू-कश्मीर दा राज्य दा दर्जा बहाल करने आली मंग प्रति अपनी वचनबद्धता जाहिर कीती।
- राई-बाई मंत्री जावेद डार होरें IWMP पोर्टल दी शुरुआत कीती तां जे Watershed विकास च पारदर्शिता गी बढ़ावा दिता जाई सकै। उनें पानी दे संरक्षण लेई तकनीक आधारित नजरिये पर जोर पाया।
- केन्द्र नै आक्खेया जे जल-जीवन मिशन तैहत जम्मू-कश्मीर नै नलके राएं पीने आले पानी गी उपलब्ध करोआने आली पेठा 81 फीसद लक्ष्य हासल कीता।
- ते जम्मू-कश्मीर गी PM e-Bus सेवा स्कीम तैहत 2 सौ इलैक्ट्रीक बसां हासल होइयां- आक्खेया केन्द्र सरकार नै।

<><><><><><>

PM- Amritsar Vande Bharat

जम्मू रेल डिवीजन नै आक्खेया जे प्रधानमंत्री नरेन्द्र मोदी होर 10 अगस्त गी अमृतसर ते श्री माता वैष्णो देवी कटरा बश्कार चलने आहली “वंदे भारत एक्सप्रेस” रेल सेवा गी वर्चुअल राए झंडी दस्सियै रवाना करगंन। आकाशवाणी जम्मू दे संवाददाता दी रिपोर्ट मुजब जम्मू रेल डिविजन दे इक वरिष्ठ अधिकारी नै आक्खेया ऐ जे वंदे भारत रेल गड्डी नम्बर- 26406 श्री माता वैष्णो देवी कटरा थमां अमृतसर बश्कार चलोग, जिसलै की रेल गड्डी नम्बर- 26405 अमृतसर थमां श्री माता वैष्णो देवी कटरा तक्कर मंगलवार गी छोड़ियै हफ्ते च 6 दिन चलोग। रेल गड्डी नम्बर- 26406 कटरा थमां बड्डलै 6:40 उप्पर रवाना होग ते 12:20 उप्पर अमृतसर पुज्जी जाग। इस दौरान इस रेल गड्डी दे स्टॉप जम्मू, पठानकोट-कैंट, जलंधर सिटी ते व्यास होगंन। इयै रेल गड्डी अमृतसर थमां संजा 4:25 उप्पर चलोग ते राती 10 बजे परतियै कटरा पुज्जोग। इस बारे होर जानकारी दिंदे होई उत्तरी रेलवे दे जम्मू डिविजन दे सीनियर डिविजलन कमरशियल मैनेजर उचित सिंगल होरें आक्खेया

<><><><><><>

Anantnag Station

उत्तरीय रेलवे नै कश्मीर घाटी दे अनंतनाग रेलवे स्टेशन थवां माल परिवाहन बी शुरु कीता। इक ब्यानै च रेलवे नै आक्खेया ऐ जे ए गैंह कश्मीर घाटी च आर्थिक गतिविधियें गी बढ़ावा देने लेई पुट्टी गेदी ऐ तां जे चीजें-बस्तें दी आवा-जाई सखल्ली होई सकोग।

इस फैसले कन्नै जिला अनंतनाग इस भेठा होर बी सक्षम बनी जाग ते कश्मीर गी बपार आस्तै नमें ते बेहतर मौके हासल होगन। एह स्टेशन बड्डलै 6 थमां लेइयै रातीं 10 बजे तगर कम्म करोग ते पेट्रोलियम उत्पादे गी छोड़ियै हर चाली दा समेयान इत्थे आनेया ते लैता जाग।

<><><><><><>

CM Tribal Festival

मुख्यमंत्री उमर अब्दुल्ला होरें गुरेज ते उत्थुआं दे लोकें दे जीवन स्तर गी बेहतर बनाने ते विकास प्रति सरकार दी वचनबद्धता गी फही पक्का कीता। 2 दिन दे राष्ट्रीय जनजातिय उत्सव गुरेज-2025 दे समापन समारोह च बोलदे होई उनें एह गल्ल आक्खी। उनें उत्थुआ दे लोकें गी भरोसा दोआया जे ओ हमेशा गै सरकार दी तरजीह आली सूची च रौहगन। मुख्यमंत्री होरें गुरेज दे लोकें दी सिफ्त कीती ते चुनौतीपूर्ण समें दौरान बी उत्थुआ दे लोकें दी शांति प्रति वचनबद्धता दी सराहना कीती। उनें गुरेज गी साफ-स्वच्छ ते प्रदूषण मुक्त बनाने लेई सब्भनै गी किट्ठे रलियै जतन करने दा आह्वान कीता। मगरा मीडिया कन्नै गल्ल करदे होई मुख्यमंत्री होरें आक्खेया.....(बाईट)

जम्मू-कश्मीर दा राज्य दा दर्जा परतियै बहाल करने बारे पुच्छे जाने पर उनें आक्खेया जे सुप्रीम कोर्ट नै आक्खेया हा जे चुनाव होने चाहिदे ते राज्य दा दर्जा तौले थमां तौले बहाल कीता जाना चाहिदा। चुना होई गेदे न ते हून बिजन चिर लाए दे जम्मू-कश्मीर दा राज्य दा दर्जा बहाल कीता जाना लोइचदा। उनें आक्खेया

<><><><><><>

Agri Min-IWMP

राई-बाई दी पैदावार सरबन्धी मंत्री जावेद अहम डार होरें सिविल सचिवालय श्रीनगर च पानी दे प्रबन्धन सरबन्धी एकीकृत कार्यक्रम दी अधिकारिक वेबसाईट दी शुरुआत कीती। इस मौके पर मंत्री होरें जोर देइयै आक्खेया जे इस गें कन्नै पानी दा संरक्षण करना ते ओदे प्रबन्धन च पारदर्शिता, जवाबदेही ते नागरिक सहभागिता बढोग। उनें इब्बी आक्खेया जे इस पोर्टल कन्नै जलग्रहण क्षेत्र बारे समे-सिर जानकारी बी मिलदी रौहग, जेदे कन्नै नागरिक जमीनी स्तर उप्पर इस सरबन्धे च हासिल प्रगति दी बी जानकारी लेई सकदे न। मंत्री होरें इब्बी आक्खेया जे इस नमें डिजिटल मंच कन्नै पर्यावरण दे स्हाबे कन्नै संवेदनशील क्षेत्रें च प्रोजैक्टें दी योजना ते निगरानी गी होर मजबूत करने च मदाद थहोग।

<><><><><><>

Swachhata Run-2025

जम्मू म्युनिसिपल कारपोरेशन आसेया 10 अगस्त 2025 गी स्वच्छता द्रौड़ दा सरिस्ता कीता जा रदा ऐ। ए द्रौड़ सालाना श्री अमरनाथ जी दी यात्रा गी सफलतापूर्वक सम्पन्न करोआने ते इस दौरान जम्मू शैहर च साफ-सफाई ते स्वच्छता यकीनी बनाने दे मकसद कन्नै आयोजित कीती जा रदी ऐ। अपने इक सनेह च जम्मू म्युनिसिपल कारपोरेशन दे कमीशनर डाक्टर देवांश यादव होरें दस्सेया ऐ जे ए द्रौड़ 10 अगस्त गी ऐतवारे बड्डलै 5 बजे आयोजित कीती जाग।उनें लोकें गी अपील कीती ऐ जे ओ इस दे इच बदी-चढ़ियै हिस्सा लैन ते इसी सफल बनान। उनें आक्खेया.....

<><><><><><>

JJM

जल-जीवन मिशन तैहत जम्मू-कश्मीर नै बेहतर प्रगति कीती ऐ। 15 अशारिया 6 लख ग्रामीण घरें च यानि तकरीबन 81 फीसद ग्रामीण घरें च नलकें राएं पानी आवा रदा ऐ, ए आंकड़े जून 2025 दे न। आकाशवाणी जम्मू संवाददाता दी रिपोर्ट मुजब ए जानकारी जल शक्ति मंत्री C.R. पाटिल होरें लोकसभा च पुच्छे गेदे सोआले दे परते च आकखी। “हर घर जल” तैहत इक हजार 293 ग्रामें च 100 फीसद नलके राएं पानी आवा रदा ऐ।

<><><><><><>

E-Buses

जम्मू-कश्मीर गी PM e-Bus सेवा अभियान जेड़ा केन्द्रीय सरकार दे शैहरी इलाकें गी आधुनिक समें दे मुताबक बनाने ते वाहन सेवाएं पजाने दा अभियान ऐ, एदे तैहत 200 e-बसें दी बंड मिली ही। आकाशवाणी जम्मू दे संवाददाता हुंदी रिपोर्ट मुजब एह आंकड़ा लोकसभा च सोआल पुच्छे जाने दे परैन्त च दस्सेया गया। एह परता शहरी ते आवास मामलें दे केन्द्रीय राज्यमंत्री तौखान साहु होरें दिता। PM e-Bus अभियान 16 अगस्त 2023 गी लांच किता गया हा, जेदा मकसद मुख्य भरें च 10,000 PM e-बसां लोआना हा तां जे शैहरी इलाकें च बस सेवाएं गी बधाया जाई सकै।

<><><><><><>

Deputy CM -Budda Amarnath

उपमुख्यमंत्री सुरेन्द्र चौधरी होरें श्री बुडा अमरनाथ जी श्राईन दा दौरा लाया ते उत्थे मत्थआ टेकाया। इस मौके पर हवेली थमां विधायक ऐजाज़ अहमद जान, ADC पुंछ ते होर दूए अधिकारी बी उंदे कन्नै मौजूद हे। अपने दौरें दौरान उपमुख्यमंत्री होरें श्री बुडा अमरनाथ जी मंदर च पूजा-अर्चना कीती ते जम्मू-कश्मीर दी तरक्की-बाददे, शांति ते लोकें गी खुशहाली लेई कामना कीती। उनें मेद जाहिर कीती जे भगवान भोले नाथ हुंदी कृपा साड़े सब्भनैं पर बनी दी रौहग ते साड़ा आपसी भाईचारा पैहले आला लेखा मजबूत बने दा रौहग। उपमुख्यमंत्री होरें स्वामी विश्वाआत्मानंद सरस्वती जी महाराज हुंदे कन्नै बी मलाटी कीती। मीडिया कन्नै गल्लबात करदे होई उपमुख्यमंत्री होरें आक्खेया.....

<><><><><><>

Kousar Nag Yatra

सालाना होने आहली कौसर नाग यात्रा गी कल रियासी दी थापा चौक थमां हरी झंडी दस्सी गई। ए यात्रा धार्मिक उत्साह ते समारोह कन्नै कड़डी गई। रियासी थमां सांसद कुलदीप राज दुबे ते उत्थुं दी डिप्टी कमीशनर निधी मलिक होरें आला अफसरें ते श्रद्धालुएं दी उपस्थिति च एहदा उदघाटन कीता। धार्मिक महत्वै आहली ए यात्रा पीर-पंजाल पहाड़े पर स्थित कौसर नाग झील च जाई पुज्जी। डी.सी होरें सब्भनैं यात्रियें गी इस मौके पर मुबारकबाद दिती। उनें गलाया जे एहदे सरबन्धी बक्ख-बक्ख मैहकमे रलियै सारे इंतजाम बी किते दे न। इस बारे होर गल्ल करदे होई डी.सी निधि मलिक होरें आक्खेया.....

<><><><><><>

Rakhi Op Sindoor

रक्षाबंधन दे त्योहार गी छड़ा इक दिन रेई गोया ऐ ते इसी ध्यानै च रक्खदे होई जम्मू च इक निजी स्कूल दे विद्यार्थियें भारतीय सेना दे जवानें आस्तै खास रक्खड़ियां बनाइयां, जेड़ियां आपरेशन सिंदूर उप्पर आधारित हियां।

इनें रक्खड़ियें च छात्रें इक्क 4-फुट दी रक्खड़ी बी बनाई, जेड़ी उन्द अंदर सेना बलें लेई आदर ते आभार दी भावना गी दर्शादी ऐ। इस मौके पर स्कूल दे केंई विद्यार्थियें अपनी इस कलाकारी बारे गल्ल कीती, उनें आक्खेया

उनें शिल्प शिक्षक होरें बी इस बारे गल्ल कीती ते आक्खेया.....

तोंआई उधमपुर थमां बी इक्क स्कूल दे विद्यार्थियें रक्खड़ियां बनाइयां ते आपरेशन सिंदूर करी भारतीय सैनिकें गी शुक्रिया करने आस्तै कार्ड बी बनाए, जेदे कन्नै इस बरे दे रक्षाबंधन दे त्योहारें गी इक्क विशेष अर्थ मिलेया।

<><><><><><>